



BEE TIMOR-LESTE, EMPRESA PÚBLICA
BTL, E.P.

Avenida 20 de Maio, Caicoli, Dili Timor-Leste Caixa Postal No. 101, Tel: 3311539

TERMU REFERENSIA

Pozisaun	Kodutor Tanki Bee Foer
Fatin serbisu	Dili
Tipu kontratu	Termu Sertu
Durasaun	Tinan ida, renova bazeia ba dezempenu serbisu
Periode probatoriu	Fulan tolu
Relata ba	Jestor Saneamentu Urbana

1. Introdusaun

Haktuir Dekreto-Lei n.º 41/2020, BEE TIMOR-LESTE, E.P (BTL, E.P) hanesan empresa publika, integrada iha administrasaun indereta Estadu nian, ne'ebé kompleta ho estatutu legal, administrativu, finansial, no autonomia patrimonial responsabiliza ba be'e no Sanementu iha teritori Timor-Leste. BTL, E.P nia misaun maka atu ajuda Governu iha implementasaun politika nasional ba beé ho saneamentu liu husi jestaun integradu no sustentavel abastesimentu beé no servisu saneamentu.

Kodutor Tanki Bee Foer hanesan pesoal ne'ebé responsabiliza hodi halo operasaun ne'ebé seguru no eficiente ba veikulu tula bee-fo'er nian hodi transporta bee-fo'er hosi pontu halibur nian ba instalasaun sira soe ka tratamentu nian ne'ebé apropiadu.

2. Objetivu

Objetivu husi pozisaun ida ne'e atu halo operasaun ho seguru no eficiente ba tanki be'e foer hahu husi pontu karrega bee-fo'er, transporta to'o pontu halibur ba facilidade tratamentu nian ne'ebé apropiadu. Papél ne'e garante kumprimentu ho regulamentu seguransa, ambientál no operasionál nian.

3. Kna'ar no Responsabilidade

- Halo operasaun kamiaun tanki bee-fo'er hodi transporta bee-fo'er husi fatin halibur no ba fatin sira soe nian.
- Asegura atendumtu armazenamentu bee-fo'er ho lolo tuir regulamentu ambientál no seguransa nian.
- Asegura deskarga bee-fo'er ne'ebé seguru iha fatin sira soe nian, hodi kumpre padraun seguransa no ambientál sira.
- Halo inspesaun loroloron ba kamiaun tanke bee-fo'er nian molok no depois uza, hodi asegura katak veíkulu iha kondisaun funsionamentu ne'ebé di'ak.
- Relata avaria komponente ruma ka reparasaun sira ne'ebé presiza manutensaun ho lalais.
- Asegura katak kamiaun tanke moos, iha manutensaun di'ak, no prienxe rekizitu legál no ambientál sira hotu.
- Prienxe rejistu/*log book* no manutensaun veíkulu nian, konsumu kombustível, no kilometru sira.
- Kumpri lei trázitu hotu-hotu, regulamentu saúde no seguransa, no polítika ambientál sira durante operasaun veíkulu nian.
- Asegura katak tanki bee-fo'er nian taka metin no nakonu ho loloos, hodi minimiza risku fakar ka kuak durante viajem.
- Relata imiadata karik fakar, asidente, ka kondisaun la seguru ba supervizór.
- Mantein ekipamentu protesaun pesoál (PPE) no uza tuir protokolu seguransa nian.
- Prienxe dokumentu nesesáriu sira hanesan; rejistu diáriu, rejistu kilometru, konfirmasaun transportasaun, no dokumentasaun kona-ba soe lixu.
- Asegura kumprimentu ho regulamentu lokál, rejionál no nasionál hotu-hotu kona-ba soe bee-fo'er.
- Fornese atualizasaun regulár ba supervizór sira kona-ba dezafiu operasionál sira, atrazu sira, ka nesesidade manutensaun nian.
- Interasaun profisionál ho kliente sira iha fatin koleasaun no fasilidade sira soe be'e foer nian.
- Responde ba pergunta ka preokupasaun ruma relasiona ho koleasaun ka soe bee-fo'er.
- Responde ba situasaun ka insidente emerjénsia sira ho lalais no tuir protokolu emerjénsia sira ne'ebé estabelese ona.
- Asegura kontensaun no hamoos seguru ba bee-fo'er sira ne'ebé fakar ka kuak durante viajem.

- Hala'ó serbisu seluk ne'ebe orienta husi superior sira

4. Kualifikasaun no esperensia

- Sidadaun Timor-Leste, idade masimu 45, iha esperensia servisu minimu tinan 5 nu'udar kondutor kareta bo'ot prefere liu tanki ba instituisaun estado, NGO local no INGO
- Iha karta kondusaun/SIM validu ho kategoria ne'ebé adekuaudu atu opera tanki nian.
- La iha historia hahalok kriminal ne'ebe hetan sentensa ba tinan 2 ka liu tama kadeia;
- Koñesimentu kona-ba manutensaun no rezolusaun problema veíkulu nian.
- Komprensaun kona-ba regulamentu seguransa rodoviária no lei tránzitu nian.
- Abilidade atu serbisu iha ambiente sira ne'ebé dezafia no halo viajen ba área sira ne'ebé dook bainhira presiza.
- Abilidade komunikasaun no organizasaun ne'ebé diak.
- Abilidade atu hasa'e no muda sasán todan (ezemplu, ekipamentu no mangueira sira).
- Iha kondisaun saude diak, Mental no fisikamente diak hodi bele halaó funsaun ne'ebé aplika ba;

5. Kondisaun serbisu

- Pozisaun ne'e dalaruma presiza servisu iha área remota ka iha kondisaun tempo/iklima ne'ebé desafia
- Serbisu turno, inklui turno iha fim de semana ou kalan, depende presiza tuir necessidade operacional
- Tenki disponível serbisu responde emerjensia wainhira presiza.

